



Projet promovût di 'La Vôs dai Furlans' e 'ARLeF'

Lu saveviso che...?



No dome noaltris umans o fasin regâi a chei che ur volin ben, ma ancje cierts animâi. Par esempi, e je une specie di ragn che al pronte pe compagne, tant che "regâl di gnocis", une prede involuçade inte tele. Un uciel cun buine memorie, la gjaie, al cjale ben ce che la compagne e mangje plui vulinfîr par po puartâi alc di simil. Ancje i tuis a fasin i regâi: a cjacin besteutis e lis puartin ai lôr parons, tant che un golose!

La cjançon de setemane



"Benvignût amî caiut, ve ca une musate e po une cimiade, po ti saludi. Alè alè... su la puarte cui è?..."

Cjantìn insiemi "Benvignûts ca di me" su

cumò fâs tu!

Trops sono? Cjale ben il dissen e segne il numar par ogni element.




Ridi a plene panze!

O svolin cun Barbe Nadâl ma no sin lis sôs renis. Cui sino? I regâi!

Dissegne tu!

Dissegne culî il regalut che ti plasarès ricevi par Nadâl e piturilu.



LES IMAGINS A SON GIAMADIS FÛRDI HTTPS://ITEREERPK.COM - HTTPS://PKABAY.COM - HTTPS://ARLEF.IT

Pagine curade dal Sportel Regjonâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS



Roc. Sta plui dongje a fradis e amis parcè che a podarèsin dâti il consei just.



Taur. Par frontâ ben il doman tu âs di dismenteâ fats e personis leâts al to passât.



Zimui. La Lune e à voie di fâti cualchi dispriet e cussì, biel che tu ti gjoldis un moment di pâs, jê ti fâs un çopedon.



Gjambar. Tu âs di frontâ un biel dubi: restâ leât ae vite di ogni di o fâ un biel viaç? In duçj i doi i câs, tu risolarâr cuntun truc.



Leon. Tu vuelis gjolditi une vite comude e plene, e par vèle tu fasis tancj sfuarçs, atent però a no lassâ indaûr la famee.



Vergjine. Tu âs tacât l'an plen di fuarce e voie di rivâ, lis stelis a son de tô bande, ce vuelistu miôr di cussì?



Balance. Intes discussions in famee tu âs di vè un grum di pazience e no tu âs di rabiâti. Cussì dut si sclaris miôr.



Sgarpion. Ti è vignude tal cjâf une persone che no tu viodis di un pieç, tu fasis ben a clamâle.




Sagjitari. Alc di chei che ti son intor no ti convinc, tu fasis ben a fâ cualchi pas indaûr e a no cjapâ nissun impegn.



Bec di mont. La energjie di chei dîs achî ti puarte a fâ une vore di sport, ma une energjie compagne no tu le âs intai rapuarts cun chei altris.



Agarûl. Tu sês plui viert cu la int e ches ti permet di cognossi personis gnovis, cualchidune e pues diventâ amie.



Pes. Tal lavôr tu rivis a meti in pratiche lis tôs çognossincis e i coleghis ti disin grazie.